

Bosna i Hercegovina
Federacija Bosne i Hercegovine
Udruženje tužilaca/ tužitelja u
Federaciji Bosne i Hercegovine

Sarajevo, Valtera Perića 15
Tel/fax 033/442-614

IZVJEŠTAJ O RADU ZA PERIOD MAJ 2017. – novembar 2018. GODINU

Polazeći od programskih ciljeva Udruženja tužilaca/tužitelja u Federaciji Bosne i Hercegovine, a u skladu sa članom 32. Statuta Udruženja, ovaj izvještaj ima cilj da Vas upozna sa aktivnostima Udruženja u periodu od maja 2017 do novembra 2018. godine

Sastanci Upravnog odbora

Skupština Udruženja tužilaca u 2017. godine održana je 12/13 maja 2017. godine u Konjicu, na osnovu zaključaka i odluke Upravnog odbora usvojenih na sastanku, koji je održan dana 11.05.2017. godine, u prostorijama Federalnog tužilaštva F BiH. Pored navedenog na dnevnom redu ovog sastanka razmatran je Izvještaj o radu udruženja tužilaca F BiH za izvještajni period 2016 godine, uključujući i Finansijski izvještaj za 2016. godinu. Podnese je i Izvještaj o realizovanim i preostalim aktivnostima povjerenih Udruženju tužilaca od strane VSTV BiH u okviru projekta „Jačanje profesionalnih udruženja u pravosuđu“.

U okviru dnevnog reda Skupštine, održano je i predavanje „Naknada štete i kompenzacija žrtvama trgovine“ u okviru regionalnog projekta „Povećanje ekspertize pravosudnih institucija o trgovini ljudima u Albaniji i Bosni i Hercegovini“- „Tretman žrtava i žrtava svjedoka trgovine ljudima“, koji se realizuje u partnerstvu sa MMF „EMMAUS“/ Helsinškim komitetom Nizozemske, Pravosudnom akademije Nizozemske i OSCE-om Misija u BiH, a iz kojih sredstava se i finansiraju troškovi vezani za održavanje Skupštine Udruženja.

Dana 15.06.2017. godine održan je sastanak Upravnog odbora radi dogovora o budućim aktivnostima, i problema vezanih za objavu uvredljivih članaka na pojedinim portalima/mediji, koji narušavaju integritet i dostojanstvo tužilaca /tužilaštava i pravosuđa u cjelini.

Sastanak je održan u okviru radionice „Pisanje projektnog prijedloga“, koji se održao 15.06.2017. godine, na Jahorini, hotel „Lavina“, koji poziv i dnevni red je ranije dostavljen članovima Upravnog odbora i glavnim tužiocima, a troškove smještaja svih učesnika iz projekta koji je od strane VSTV BiH implementira Udruženje tužilaca u Federaciji BiH.

Dana 18.09. 2017. godine održan je sastanak Upravnog odbora sa dnevnim redom „organizacija i realizacija aktivnosti na X stručnom savjetovanju Tužilaca, koji je planiran da se održi od 25 do 28. septembra 2017. godine u hotelu“ Grand u Neumu.

25.09. 2017. godine u sklopu X stručnog savjetovanja tužilaca u BiH održan je sastanak Upravnog odbora.

Dana 17.11 2017 godine, predviđen je sastanak Upravnog odbora, koji je pomjeren za 25.11.2017. godine zbog nemogućnosti dolaska većine članova Upravnog odbora.

Dana 16.03.2018. godine, održan je sastanak Upravnog odbora sa dnevnim redom koji je bio posvećen unapređenju rada Udruženja tužilaca FBiH.

Dana 04.05.2018. godine, održan je sastanak Upravnog odbora UTFBIH radi razmatranja bitnih pitanja za struku.

Dana 12. 07. 2018. godine, zakazan je sastanak Upravnog odbora sa dnevnim redom sa dosadašnjim aktivnostima Udruženja tužilaca FBiH i donošenje odluka za pripremu XI stručnog savjetovanja u Neumu i planiranih aktivnosti koje Udruženje tužilaca planira realizovati sa partnerima CEST FBiH I RS, i međunarodnih organizacija koji pružaju finansijsku podršku za realizaciju planiranih aktivnosti.

Dana 01.10. 2018. godine, u sklopu Xi stručnog savjetovanja tužilaca održan je sastanak Upravnog odbora radi donošenja odluka, koje su bitne za uspješnu realizaciju planiranih aktivnosti.

U izvještajnom periodu Upravni odbor je pojedine stvari rješavao i putem e-maila, zbog nemogućnosti dolaska svih članova radi mnogobrojnih obaveza na redovnim poslovima.

Saradnja udruženja tužilaca sa drugim udruženjima i međunarodnih organizacija u toku izvještajnog perioda

Centar ženskih prava iz Zenice i Udruženje tužilaca FBiH ostvaruje uspješnu i kontinuiranu saradnju, usmjerenu na poboljšanje institucionalnog odgovora na rodno zasnovano nasilje, unaprijeđenje zakonodavnog okvira i edukacije profesionalaca/ki u institucijama sistema u lancu zaštite od nasilja.

Saradnja traje tri godine, a obilježile su je neke od slijedećih aktivnosti:

1. **U 2017. godini Udruženje tužilaca FBiH je zajedno sa Centrom učestvovalo u pokretanju Inicijative za izmjenu i dopunu Krivičnog zakona Federacije Bosne i Hercegovine u cilju stvaranja zakonodavnog okvira za sankcionisanje osoba koje vrše krivična djela putem informaciono-komunikacionih tehnologija.**

U tu svrhu je izrađen Nacrt Izmjena i dopuna Krivičnog zakona FBiH koji je predat u Federalno ministarstvo pravde 14. novembra 2017. godine. Federalno ministarstvo pravde je potvrdilo da će Inicijativa biti razmatrana prilikom izrade narednih izmjena i dopuna Krivičnog zakona. U izradi Nacrta zakona učestvovali su i Udruženje žena sudija u BiH, eksperti/ce: Jasminka Džumhur, Ombudsmenka Bosne i Hercegovine, Adisa Zahiragić, sudija Kantonalnog suda u Sarajevu, Enes Maličbegović, sudac Kantonalnog suda u Zenici, Jasmina Begić, sudija Vrhovnog suda Federacije Bosne i Hercegovine, Nedeljko Glavaš, predstavnik Ministarstva unutrašnjih poslova Zeničko-dobojskog kantona i

Nedžad Korajlić, dekan Fakulteta za kriminalistiku, kriminologiju i sigurnosne studije Univerziteta u Sarajevu.

1.1. Obe organizacije zajednički održale nekoliko sastanaka sa predstavnicima/cama institucija, čija svrha je bila dobijanje podrške za usvajanje predloženih zakonskih izmjena. Jedan od takvih sastanaka održan je sa Potpredsjednicom Vlade Federacije BiH, Melikom Mahmutbegović.

2. Centar je 2017 godine uspostavio Multisektoralnu Radnu Grupu (MRG), a jedna od članica bilo je Udruženje tužilaca FBiH. Multisektoralnu radnu grupu čine predstavnici sudstvo, tužilaštva, Federalnog ministarstva unutrašnjih polova, Federalnog ministarstva rada i socijalne politike, Ombudsmen. Tokom 2017 održano je nekoliko radnih sastanaka na kojima je izražena potreba za unaprijeđenje saradnje između institucija koje su u lancu sistema zaštite. Rezultat spremnosti saradnje svih institucija (članica Radne grupe) je izrađena „**PLATFORMA za izradu Akcionog plana multisektorske saradnje subjekata zaštite žena žrtava RZN**“. Platforma sadrži 5 siljeva djelovanja u vidu:

- 1) Pokretanja zajedničke inicijative za izmjene i dopune Krivičnog zakona FBiH koje definišu krivično djelo Nasilje u porodici na način da prepoznaju djecu kao zasebne oštećene osobe u slučaju prisustva činu nasilja u odnosu na drugog člana porodice
- 2) Pokretanja zajedničke inicijative za uvođenje obaveznih certificiranih edukacija i obuka u toku godine, za sve stručne radnike/ce centara za socijalni rad koji rade na poslovima nasilja u porodici – odnosno dosljedna primjena odredbe člana 37. Zakona o zaštiti od nasilja u porodici
- 3) Pokretanja zajedničke inicijative za uvođenje Osobe od povjerenja kroz izmjene i dopune Zakona o zaštiti od nasilja u porodici FBiH, a koja osoba može biti član porodice, lice iz organa uprave, nevladine organizacije i drugog pravnog lica, sve u cilju da oštećena/žrtva nasilja u porodici ima pravo na pratnju Osobe od povjerenja pri poduzimanju radnji u kojima sudjeluje
- 4) Unaprijeđenja saradnje između institucija i nevladinih organizacija koje se na lokalnom nivou bave problemom nasilja nad ženama
- 5) Dosljedne primjene “Uputstva o postupanju u krivičnim i prekršajnim predmetima”, a koje je izdalo Ministarstvo pravde BiH.

3. U 2018 godini formirana je radna grupa, gdje je učestvovalo i Udruženje tužilaca FBiH, na pripremi **Prijedloga Izmjena i dopuna Krivičnog zakona FBiH** koji predviđa oštriju kaznenu politiku prema počiniocima nasilja u porodici, a posebno kada se nasilje dešava u prisustvu djece. Trenutno zakon djecu koja svjedoče i/ili prisustvuju činu nasilja ne prepoznaju kao direktne žrtve, iako na njih, njihov život i razvoj to ima vrlo direktan uticaj.

4. U mjesecu oktobru 2018. godine **pokrenuta Inicijativa za uvođenje Instituta „Osoba od povjerenja“**. Na Regionalnoj konferenciji svoj doprinos dalo je i Udruženje tužilaca FBiH, tako što je dalo pregled stanja o položaju žena i djece preživjele nasilja pred pravosudnim institucijama.

Udruženje tužilaca i udruženje „Zemlja djece“

Udruženje tužilaca FBiH ostvarilo je uspješno saradnju sa Zemlja djece u okviru projektne aktivnosti koju je VSTV BIH povjerio Zemlji djece, u sklopu kojeg je izdata publikacija „Sprečavanje seksualnog zlostavljanja žena i djece“. Predstavnik Udruženja ovom prilikom učestvovao je kao konsultant. A istovremeno su konsultanti sudjelovali na izradi prijedloga izmjena i dopuna zakona koji bi poboljšao zakonodavni okvir i obezbijedilo djelotvornu zaštitu djece u krivičnom postupku.

Udruženje tužilaca FBiH i MFS-EMMAUS

Tokom 2017 godine Udruženje tužilaca FBiH je zajedno sa MFS EMMAUS nastavilo aktivnosti u sprečavanju trgovine ljudima i eksploatacije djece posredstvom informacijskih i komunikacijskih tehnologija, te intenziviralo aktivnosti na sprečavanju nasilja nad djecom u BiH.

U okviru edukativnih aktivnosti realizovanih u cilju jačanja kapaciteta profesionalaca, izdata je publikacija „Smjernice za postupanje u slučaju nasilja nad djecom u digitalnom okruženju u BiH“, kao doprinos jačanju postojećeg sistema dječije zaštite u BiH, u cilju adekvatnog odgovora na sve poznate oblike nasilja, eksploatacije i zanemarivanja djece. Kao nastavak aktivnosti izgradnje kapaciteta zaposlenih u pravosuđu, tokom implementacije projekta „Povećanje ekspertize pravosudnih institucija o trgovini ljudima u Albaniji i BiH: Tretman žrtava i žrtava svjedoka trgovine ljudima“, u suradnji sa Helsinškim komitetom Nizozemske, Pravosudnom akademijom Nizozemske i Centrima za edukaciju sudija i tužilaca FBiH i RS, realizovane su edukativne aktivnosti za preko šezdeset (60) učesnika, sudija, tužilaca i predstavnika CEST-ova. Udruženje tužilaca FBiH će u saradnji sa MFS-EMMAUS i dalje nastaviti djelovati u razvijanju partnerskih odnosa sa mnogim akterima u zemlji i inostranstvu, te uspješno predstavljati aktivnosti koje se odnose na zaštitu i ostvarivanje prava žrtava eksploatacije.

Udruženje tužilaca i OSCE

Udruženje tužilaca uspješno je saradivalo sa OSCE BiH u toku izvještajnog perioda. Posebnu saradnju imalo je u okviru pripreme i realizacije X i XI stručnog savjetovanja, gdje je OSCE sudjelovao u panelima Trgovine ljudima i ratnog zločina. OSCE je pružao stručnu i finansijsku podršku u organizaciji savjetovanja. OSCE je vidio partnera u Udruženju tužilaca FBiH i u drugim aktivnostima. Tako je predstavnik Udruženja dana 21.02.2018 godine prisustvovao u predavljanju projektnog izvještaja Misije OSCE-a u BiH pripremljenog u okviru projekta „ARC-praćenje predmeta korupcije u BiH, kojom prilikom je predstavljena publikacija „Praćenje procesuiranja predmeta korupcije u BiH-prva procjena“ koja predstavlja prvi javni izvještaj Misije izrađen na osnovu rezultata praćenja rada na okončanim predmetima korupcije. Predavljanju publikacije prisustvovali su generalni sekretar OSCE-a, gospodin Thomas Greminger, ambasadorica SAD u BiH, gđa. Maureen Cormack, ambasador Bruce Berton, šef Misije OSCE-a u BiH, ambasador Lars-Gunnar Wigemark, šef delegacije Evropske unije i specijalni predstavnik EU u BiH, te Milan Tegeltija, predsjednik VSTV BiH, koji su se i obratili prisutnima. U svom obraćanju generalni sekretar OSCE-a Thomas Greminger je istakao da borba protiv korupcije zahtijeva dugotrajan i predan angažman svih nadležnih institucija i izrazio nadu da će preporuke koje izvještaj sadrži unaprijediti procesuiranje predmeta iz oblasti korupcije.

Udruženje tužilaca i USAID

Udruženje tužilaca uspješno je saradivalo sa USAID Projekt pravosuđa u BiH u toku izvještajnog perioda. Posebnu saradnju imalo je u okviru pripreme i realizacije X i XI stručnog savjetovanja, gdje je USAID sudjelovao u panelima Organizovani kriminal i korupcija i oduzimanje imovinske koristi stečene

krivičnim djelom. USAID je pružao stručnu i finansijsku podršku u organizaciji savjetovnja. Udruženje je ostvarilo saradnju sa USAID-om i kroz druge projekte povjerene nevladinim organizacijama, kao što je Forum građana Tuzla, koji implementira projekt pod nazivom „Neovisnot i odgovornost tužilaca“, u okviru kojeg su sačinjeni nacrti izmjena i dopuna KZ i ZKP, kojim bi se doprinijelo efikasnijem radu tužilaca.

Udruženje tužilaca i UNICEF

Udruženje tužilaca uspješno je saradivalo sa UNICEF u BiH u toku izvještajnog perioda. Posebnu saradnju imalo je u okviru pripreme i realizacije X i XI stručnog savjetovanja, gdje je UNICEF sudjelovao u panelima u vezi sa maloljetnom delikvencijom i djeci i maloljetnicima na čiju štetu je počinjeno krivično djelo, kao i zaštiti djece u krivičnom postupku. UNICEF je pružao stručnu i finansijsku podršku u organizaciji savjetovnja. Ostvarena je i uspješna sadnja u projektnim aktivnostima „Pravda za svako dijete“, koje su se realizovale kroz obuke i izdavanje publikacija, a jedna od njih je bila i uzimanje izjave od malodobne osobe i dijete-Foreznični intervju s djecom. Udruženje će nastaviti i dalju saradnju sa UNICEF BiH. U okviru ovih aktivnosti Udruženje je saradivalo sa organizacijom Save the children i IOM.

Udruženje tužilaca i CPRC (Centar za istraživanje kriminaliteta)

Udruženje tužilaca uspješno je saradivalo sa CPRC u toku izvještajnog perioda. Posebnu saradnju imalo je u okviru pripreme i realizacije X i XI stručnog savjetovanja, gdje je CPRC sudjelovao u panelima u vezi sa sprečavanjem korupcije i migracije, ako i oduzimanje imovinske koristi stečene krivičnim djelom. CPRC je pružao stručnu i finansijsku podršku u organizaciji savjetovnja.

ORGANIZACIJA SAVJETOVANJA IZ OBLASTI KRIVIČNOG PRAVA

Udruženje tužilaca Federacije Bosne i Hercegovine u saradnji sa Centrom za edukaciju sudija i tužilaca FBIH i RS realizovalo je X Stručno savjetovanje tužilaca u BiH, koje se održalo od 25. do 28.09. 2017. godine, u Neumu, Hotel „Grand“. Podršku X stručnom savjetovanju tužilaca ove godine dali su USAID'S Justice Project u BiH, UNICEF, Misija OSCE u BiH, Međunarodni forum solidarnosti „EMMAUS“ i IOM. Savjetovanje se odvijalo po specifičnim oblastima kriminaliteta (korupcija, privredni i organizovani kriminal, ratni zločini, nasilje nad djecom u digitalnom okruženju, te trgovina ljudima). Događaju je prisustvovali tužioci iz cijele Bosne i Hercegovine i regiona, te predstavnici drugih pravosudnih institucija, međunarodnih organizacija i akademske zajednice.

U izvještajnom period Udruženje tužilaca Federacije Bosne i Hercegovine je u saradnji sa Centrom za edukaciju sudija i tužilaca FBIH, Centrom za edukaciju sudija i tužilaca RS, te uz podršku USAID'S Justice Project u BiH, UNICEF-a, Misije OSCE u BiH, Centra za istraživanje politike suprotstavljanja kriminalitetu (CPRC) i Atlantske inicijative u BiH, organizovalo je u Neumu od 01. do 03. oktobra 2018. godine, XI Stručno savjetovanje tužilaca u BiH. Savjetovanje se održalo u pet panela koji su bili posvećeni organizovanom kriminalu i korupciji, ratnom zločinu, trgovini ljudima i rodno zasnovanom nasilju, djeci u sukobu sa zakonom, te ilegalnoj migraciji. Tokom trajanja savjetovanja tužioci su imali

priliku da razmijene znanja i iskustva iz navedenih oblasti, ali i da razgovaraju o gorućim problemima sa kojima se susreću u svakodnevnom radu. Savjetovanju je prisustvovalo više od dvije stotine tužilaca iz zemlje i regiona. Sve detaljnije informacije, kao i zaključke savjetovanja mogu se pogledati na web stranici udruženja utfbih.ba.

Predstavnik Udruženja tužilaca kao član učestvovao je u radu organizacionog odbora za pripremu savjetovanja iz oblasti krivičnog prava koje se održava u Neumu. Savjetovanje je održano u hotelu „Zenit Neum“, **07-10.06.2017.** godine. Član predsjedništva Udruženja Vildana Helić u svojstvu predsjednice Organizacionog odbora je održala šest sastanaka Organizacionog odbora kojeg sačinjavaju predstavnici: CEST FBiH i RS, Udruženja sudija i tužilaca FBiH i RS, Udruženja sudija i tužilaca BiH, Advokatske komore FBiH i RS te Pravosudna komisija Brčko distrikta i Centrom za istraživanje politike suprotstavljanja kriminalitetu (CPRC).

Presdstavnik Udruženja tužilaca kao član učestvovao je u radu organizacionog odbora za pripremu savjetovanja iz oblasti krivičnog prava koje se održava u Neumu. Savjetovanje je održano u hotelu „Zenit Neum“, **06-09.06.2018.** godine. Član predsjedništva Udruženja Vildana Helić u svojstvu predsjednice Organizacionog odbora je održala pet sastanaka Organizacionog odbora kojeg sačinjavaju predstavnici: CEST FBiH i RS, Udruženja sudija i tužilaca FBiH i RS, Udruženja sudija i tužilaca BiH, Advokatske komore FBiH i RS te Pravosudna komisija Brčko distrikta, Udruženje žena sudija u BiH, Udruženje sudija suda BiH i Centrom za istraživanje politike suprotstavljanja kriminalitetu (CPRC).

Takođe, Udruženje tužilaca je prisustvom svojih članova dalo podršku i održavanju drugog stručnog savjetovanja sudija iz prekršajne oblasti održane u 2018. godini.

OBRAĆANJE UDURŽENJA TUŽILACA MEDIJIMA I NADLEŽNIM INSTITUCIJAMA

U izvještajnom periodu Udruženje tužilaca se u nekoliko navrata oglašavalo u medijima povodom pisanih članaka od strane pojedinih medija koji narušavaju integritet i ugled tužilaca. S tim u vezi Udruženje je povodom napada na tužiteljicu Sabinu Sarajliju izdalo demant i osudilo medijsku kampanju koja ima za cilj vršenje pritiska na odluke suda, kao i diskreditaciju tužilaca, koji su jedini mjerodavni pokretati kaznene postupke i određivati kvalifikaciju krivičnih djela.

Takođe je Uduženje tužilaca uputilo saopštenje za javnost osuđujući svaki pritisak na rad tužilaca, ne samo u Federaciji, nego u cijeloj Bosni i Hercegovini, kao i saopštenje, koje je doneseno nakon javne rasprave i pribavljenog mišljenja deset kantonalnih tužilaštava, a koje se protivi prijedlogu dopune člana 44 Zakona o VSTV, o čemu je Udruženje pismenim putem obavijestilo i Visoko sudsko i tužilačko vijeće BiH.

Saradnja Udruženje tužilaca FBiH sa strukovnim udruženjima iz regiona

Udruženje tužilaca FBiH potpsalo je u Skoplju Memorandum o saradnji sa Udruženjima tužilaca Zapadnog Balkana (potpisnice Albanije, Bugarske, Kosova, Srbije, Crne Gore i Makedonije).

Memorandum je potpisan u sklopu “Regionalne konferencije o izazovima i procesuiranju finansijskog kriminalai i oduzimanja imovine na Zapadnom Balkanu”, koja je održana krajem prošle sedmice u Skoplju, Republika Makedonija.

Cilj Memoranduma je uspostava saradnje između strana potpisnica, te identifikacija područja od zajedničkog interesa sa posebnim osvrtom na jačanje i koordinaciju

informativne mreže, razmjeni informacija, znanja i prakse između članova udruženja, implementaciji projekata i aktivnosti od zajedničkog interesa, kao i međusobna podrška za zajednički napredak u oblasti finansijskih istraga.

Ispred Udruženja tužilaca FBiH, ovoj konferenciji su prisustvovala kantonalne tužiteljice KT Sarajevo Sabina Sarajlija i Lejla Hasanbegović, koje su po ovlaštenju predsjednice udruženja potpisale navedeni Memorandum

Udruženje tužilaca FBiH, jena Trećem globalnom forumu-konferenciji za udruženje tužilaca „Odgovornost i etički standardi u tužilaštvu“, odražana u 26. i 27. maja 2017. godine u Beogradu, predstavljala federalna tužiteljica Suada Salkić i tom prilikom održala predavanje pod nazivom „Uloga tužioca u društvenoj odgovornosti“, te tom prilikom upoznala prisutne sa projektima koje realizira Udruženje tužilaca FBiH.

Predstavnici Udruženja tužilaca obavljali su i druge polove koji su bitni za rad ove organizacije, koji nisu navedeni u ovom izvještaju, a koje možete pratiti putem web stranice Udruženja tužilaca FBiH www.utfbih.ba

**UPRAVNI ODBOR
UDRUŽENJA TUŽILACA FBiH**